



Bibele ya ka

ya Tshebetso le ho Ithuta



Buka ya 1

Egepeta

ithute ho bala
le ho ngola

a
Apole



K
Konyana

Bibele ya ka ya Tshebetso le ho Ithuta Buka ya 1

My first Bible Do and Learn Book – this basic literacy primer was developed by the Bible Society of South Africa based on the Do and Learn method developed by Dr Rose Botha. This book was first published in English in 2012.

Sesotho (SO) Literacy Project
First edition 2016

© Bible Society of South Africa 2016

Author: NE Tsoeu

Editor: T Ntsielo

All rights reserved. No part of this book may, without prior written permission of the publisher, be reproduced or transmitted in any form or by any means, electronic, mechanical or otherwise, either through photocopying, writing, audio recording, or any other system for information storage and retrieval.



Published by the Bible Society of South Africa
P O Box 5500, Tyger Valley 7536, Bellville
www.biblesociety.co.za

Printed by Shumani Printers (Pty) Ltd
5 Koets Road, Tygerberg Business Park 7500, South Africa

Type: TeachersPet

Sesotho – 30M – BSSA – 2016

690P

Softcover, Full-colour illustrations

ISBN 978-0-7982-1949-5

Tataiso ya Titjhere

Bibele ya Ka ya Pele

Selelekela

Ho ruta puo ho etsahala ha ho tsepamisitswe ho hlahiseng mehlala ya sebele ya puo. Bophihlelo ba baithuti le tjantjello ho ithuteng ke tsona tse matla mabapi le ho ntshetsa puo pele. Titjhere kapa motswadi o lokela ho bontsha kgothatso le mamello ho sohle seo baithuti ba se buang le seo ba se ngolang. Ha titjhere a ruta, baithuti ba lokela ho tseba sepheo sa thuto e rutwang, mme a ba hlalose le sephetho sa thuto eo.

Dipale tse bukeng ya ngwana re di kgutsufaditse ho lekana le dilemo tsa hae. O ka boela wa ba balla pale e feletseng ho tswa Bibeleng hore ba kgone ho utlwisisa pale kaofela kapa o ba phetele yona.

Tse latelang ke dipheo tseo titjhere a lokelang ho di ruta baithuti:

- Ho tseba nteterwane/alefabeto
- Ho aha dipolelo
- Ho fapafapanya sehalo (ho theola o nyolla lentswe)
- Ho fana ka mosebetsi o tla tjhorisa keello
- Ho boela ba pheta pale eo ba e phetetsweng
- Bokgoni ba ho mamela
- Bokgoni ba ho bala
- Bokgoni ba ho ngola
- Ho ikahela bukantswe (dikishenari)
- Ho tseba ho nyalanya ditshwantsho le dihlooho tsa tsona, le ho di beha ka tatellano
- Ho tseba phapano pakeng tsa dintho tse tshwanang le tse sa tshwaneng
- Ho tseba ho fetisa melaetsa

Latela ditataiso

Diaekhone tse ka tlase di thusa titjhere le baithuti ho latela ditaelo tsa thuto eo.



Titjhere /mothusi o a bala mme a hlalose.



Sheba - baithuti ba kgetha, ba shebe mantswe.



Pensele — baithuti ba a ngola.



Bua — baithuti ba pheta mantswe kapa ba arabe dipotso.



Batla o fumane — baithuti ba lokela ho fumana dintho kapa mantswe.



Pensele ya mmala — baithuti ba a taka kapa ba kenye mmala.



Ha re sebetse — e bontsha mosebetsi wa baithuti.



Ho opa — baithuti ba a opa mme ba bale.



Ho tshwaya — baithuti ba tshwaya karabo e nepahetseng.

Thuto ya 1 – Tlhaku e le nngwe

Buka ena e lokiseditswe bana ba lemo di hlano ho ya ho tse supileng. Batswadi le matitjhere a sekolo sa Sontaha ba dumelletswe ho thusa bana ka hohle ka moo ba ka kgonang ho ithuta. Mona baithuti ba nehwa monyetla wa ho ithuta kamoo medumo e bitswang ka teng. Ho etswa hore bana ba fumane

ho le bobebe ho bala Sesotho. Mantswe a mangata ke a tlhaku e le nngwe mme ke mantswe a fumanwang Bibeleng. Medumo e ngotswe ka tlhaku tse nyane le tlhaku tse kgolo. Qala ka ho ba ruta ditlhaku tse nyane.

Titjhere/Mothusi

Sepheo sa thuto ena ke ho ruta ditlhaku kapa medumo. Ba rute ditlhaku, hore ba di bale mme ba ngole mantswe kaofela. Ha ba ngola ditlhaku tsa nteterwane ba qala ka ditlhaku tse nyane ba nto ya ho tse kgolo.

Beha bana ho ya ka dilemo tsa bona. Ba sa leng banyenyane haholo, ba qalang ho tla sekolong, ha ba bale didumanotshi a, e, i, o, u. Ho molemo ho di pheta hangata ho fihlela ba di tlwaela. Hopola hore di ba thusa ho rata ho bala buka.

Thuto ya 2 – Tlhaku tse pedi

Ka hobane bana dithutong tsa kerekeng ba behwa ka dilemo, titjhere a etse bonnete ba hore ba thusana ho bala mantswe a matjha. Ha ba qeta ho bala ditlhaku thutong ya pele, moo e leng botlhaku-nngwe, re fetela ho botlhaku-pedi le botlhaku-tharo ka mokgwa oo re bitsang mantswe a Sesotho ka wona hore ho be bobebe ho a bala. Ba kgothalletse ho aha mantswe ka medumo e meng eo ba e filweng ba e bua ka molomo mme kamorao ho moo ba a ngole fatshe ba thusana.

Titjhere/Mothusi

Ba kgothalletse ho aha dipolelo ka mantswe ao ba ithutileng wona ho etsa bonnete ba hore ba a utlwisisa.

Thuto ya 3 – Ke nna enwa

Baithuti ba kgothalletswa ho taka hore ba be le boitshepo. Ha ho setshwantsho se sa lokang, ditshwantsho kaofela di lokile. Ba ngola dintlha ka bo bona ba thuswa ke matitjhere, ke batswadi le ke bana ba bo bona. Ba kgothalletse hore ha ba fihla lapeng, ba kope thuso mabapi le mosebetsi oo o ba fileng wona.

Thuto ya 4 – Tiholeho ya Modimo

Bana ba rutwa ka tiholeho ya Modimo.

Ba rute ho lepa lentswe. Ha ba ithute mantswe kaofela, kamorao ho moo ba ngole mantswe ka medumo eo ba e filweng, mohlala:

jw – jwang

ph – diphoofolo

di – dinaledi

Thuto ya 5 – Thapelo ya bana

Efa bana sebaka sa ho bolela dintho tseo ba lakatsang ho di rapella.

Titjhere/Mothusi

Ha ba shebe mantswe le medumo Yy le Ww a mona thutong ena.

E re ba ngole a mang ao ba inahanelang wona.

Thuto ya 6 – Areka ya Nowe

Titjhere/Mothusi

Ha ba bue ka setshwantsho sa sekepe sa Nowe. Ba dumelle ho buisana ka areka ya Nowe.

Ba bontshe mookodi (rainbow) mme ba bue ka mebala ya mookodi.

Ere ba take mookodi mme ba kenye mebala ya wona.

Thuto ya 7 – Morwallo

Titjhere/Mothusi

Ha ba nahane ka diphoofolo kaofela tsa hae le tse hlaha tseo ba di tsebang.
Ba kgothalletse ho taka phoofolo efe kapa efe eo ba ratang ho e taka.

Thuto ya 8 – Pula ya emisa

Bana ba bue ka dintho tse lokileng le tse sa lokang mabapi le pula.
Kopa baithuti ho taka pula e nang le diaparo tseo ba di aparang ha pula e na.

Thuto ya 9 – Mosebetsi wa ho bala

Kopa baithuti ho bua ka matsatsi a beke. Matsatsi a kgwedi le dikgwedi tsa selemo. Ba ka nna ba di bina le ho di bala. Ba kope hore ba bue ka dintho tseo ba di etsang ka matsatsi ana a fapaneng.
Ba kope hore ba ngole matsatsi a beke le dikgwedi tsa selemo.

Thuto ya 10 – Moshe o tholwa ka metsing

Ha ba bue ka setshwantsho sa Moshe. Ba dumelle ho buisana haholwanyane ka pale ya Moshe.
Ba ka etsa tshwantshiso ka pale eo ba shebile ditshwantsho.

Thuto ya 11 – Moshe o pholosa setjhaba sa hae

Ba kgothalletse ho taka sefahleho se hlonameng le sefahleho se thabileng. Hopola hore ha ho setshwantsho se sa lokang.

Ha ba shebisise ditshwantsho ka bobedi mme ba hlokomele dintho tse fapaneng ditshwantshong tsena tse pedi. Ba fe nako e lekaneng ho hlokomela dintho tse fapaneng le tse tshwanang. Leka hore ba thabele mosebetsi ona, ena ke e nngwe ya ditsela tsa ho betla kelello e tjhatsi ngwaneng. E re ba etse sedikadikwe dinthong tse fapaneng.

Thuto ya 12 – Melao e leshome

Titjhere/Mothusi

Ba dumelle ho pheta melao e leshome ka hlooho, mme ba leke le ho hlalosa seo e se bolelang. Lekola tsebo ya bona. Ba fe molao o le mong mme ba lepe hore na ke wa bokae. Ha ba etse mosebetsi ona ka nyakallo. Ha ba thereise dinomoro ba bone hore ho hlaha eng.

Thuto ya 13 – Davida wa modisa

Ha ba qeta ho bala pale ya Davida dibukeng tsa bona, ha ba batle mme ba fumane dinku tsa Davida ka ho latela mola. Ba thuse hore ba se ke ba thetsa lebota. Ba tla thabela mosebetsi ona.

Thuto ya 14 – Davida o lwana le monna wa senatla

Ha ba bale pale ya Goliathe monna wa sehanyata. Ha ba arabe dipotso tse mabapi le thuto. Ba fe nako e lekaneng ya ho etsisa monna wa sehanyata. Kamorao ho moo ba fumane mantswe a ho keriti.

Lekola tsebo ya bona. Ba fe tsebo eo e seng nnete, mohlala:
Goliathe o ne a le monyenyanane haholo.
O ne a le mosa, a lokile.

Batho ba ne ba mo rata.
Kgothalletsa baithuti ho fana ka dipolelo tse nepahetseng.

Tekolo

O na le mantswa a feletseng a ngotsweng keriting, ba fe nako ya ho a tsoma. Ba kgothalletse ho sheba mantswa a nepahetseng kapa a feletseng keriting eo ba e filweng. Hopola hore ba ka nna ba nka nako e telele ha ba leka ho fumana mantswa ana. Eba le mamello ho fihlela ba a fumana. Ba rorise hang ha ba fumana lentse.

Thuto ya 15 – Daniele le ditau

Ba balle pale ya Daniele, ba arabe dipotso ba shebile ditshwantshong. Ba kgothalletse ho kopitsa mantswa a ngotsweng ka matheba dibukeng tsa bona.

Thuto ya 16 – Tswalo ya Jesu

Ha ba shebe ditshwantsho kaofela mme ba lepe seo se se bolelang. Ha ba etse sedikadikwe mantsweng ao ba a filweng ba shebile ditshwantshong.

Thuto ya 17 – Ba bohlale ba tla le dimpho

Ha ba buisane ka dimpho tse neng di fuwe Jesu.

Gauta

Dibano

Mirra

Ba kope hore ba botse batswadi ba bona hore Dibano le Mirra ke eng.

Thuto ya 18 – Tswalo ya Jesu

Lekola tsebo ya bona:

Ha ba qetelle mantswa ka ho nyalanya lentse le setshwantsho.

Ba dumelle ho thusana ho aha mantswa e le hore ba kgone ho thabela mosebetsi wa tekolo.

Thuto ya 19 – Heroda o batla ho bolaya leseae Jesu

Ba thuse ho nka leseae setshwantshong ba ye le Iona Egepeta.

Thuto ya 20 – Jesu o etsa mosebetsi wa Modimo

Jesu o rata batho kaofela.

Ba kgothalletse ho bua ka tsela eo ba ratang Jesu ka yona. Ha ba kopitse polelo.

Jesu o a nthata. Kamorao ho moo ba etse tekolo ba thusana.

Thuto ya 21 – Jesu o re ruta ho rapela

Ba rute ho rata thapelo jwalo ka Davida.

Ha ba leke ho pheta thapelo ena ka hlooho.

Ba rute thapelo ya Ntata rona ya Mahodimong.

Thuto ya 22 – Jesu o tloha lefatsheng

Ba balle pale butle le ka ho hlaka. Botsa dipotso tse kang tsena:

1. Jesu o ne a shwele hokae?
2. Na Jesu o ntse a le ka lebitleng?
3. O ne a tsohe kamora matsatsi a makae?
4. O ne a tsamaye ka eng ho ya lehodimong?

Ha ba take setshwantsho sa sefapano.

Thuto ya 23

1. Ba botse dipotso mabapi le pina.
2. Pina ena e re ruta ka eng?





















Titjhere/Mothusi

- Ba kgothalletse ho bina pina ena jwalo ka “Ha le mpotsa tshepo ya ka”. Ba binele ka mokgwa o bobebe o tlwaelehileng le oo ba tla o thabela.
- Buisanang ka molemo wa thuto le seo batho ba se unang ka ho ithuta. Ba fe sebaka sa hore motho e mong le e mong a be le seo a se buang puisanong ena. Hopola hore ha ho puo e lokileng kapa e sa lokang, sepheo ke hore bana ba ntshe maikutlo a bona.

Thuto ya I

 a apole	 b badisa	 c Celestina	 d Davida
 e Esetere	 f Faro	 g gauta	 h Heroda
 i Isaka	 j Judea	 k konyana	 l leri
 m maru	 n Nowe	 o oli	 p perekisi
 q Qhobosheane	 r Ruthe	 s sekgele	 t terompeta
 u lehlaku	 v vidiyo	 w ngwana	 x Xoli
 y moya	 z Zakia		


Thuto ya 2

ts  letsatsi	hl  sefahleho	th  thaba	ng  ngaka
ny  nonyana	kg  kgwedi	nt  lebanta	tl  senotlolo
mm  mme	sh  leshome	ph  phala	jw  jwang
tj  ntja	nk  nku	kw  kwena	qw  qwaha
nkg  nkgo	kgw  kgwele	ntl  ntlo	tsh  setshwantsho



Thuto ya 3

Ke nna enwa




dinku



badisa



Taka setshwantsho sa hao:





Araba dipotso tse latelang:

Lebitso la ka ke:

Sefane sa ka ke:

Mme wa ka ke:

Ntate wa ka ke:

Ke dula:



Ngola mantswe ka medumo ena:

K k

N n

M m

A a

E e

Thuto ya 4

Tlholeho ya Modimo



Modimo a hlola:



Genese 1:1-26

<p>Letsatsi la 1</p> <p>Motsheare</p> <p>Bosiu</p>	<p>Letsatsi la 2</p> <p>Lehodimo</p> <p>Lewatle</p> <p>Lefatshe</p>
<p>Letsatsi la 3</p> <p>Dimela</p> <p>Jwang</p>	<p>Letsatsi la 4</p> <p>Kgwedi</p> <p>Dinaledi</p> <p>Letsatsi</p>
<p>Letsatsi la 5</p> <p>Dinonyana</p> <p>Ditlhapi</p>	<p>Letsatsi la 6</p> <p>Adama</p> <p>Efa</p> <p>Diphoofolo</p>
<p>Letsatsi la 7</p> <p>Modimo</p> <p>a phomola</p>	



Ngola mantswe ka medumo ena:

Handwriting practice section with four rows of dotted letters on lined paper. Each letter has red arrows indicating the stroke order.

- Row 1: Uppercase 'M' and lowercase 'm'
- Row 2: Uppercase 'L' and lowercase 'l'
- Row 3: Uppercase 'D' and lowercase 'd'
- Row 4: Uppercase 'B' and lowercase 'b'



Kenya mmala lefatsheng:



Thuto ya 5

Thapelo ya bana



rapela



kgwedi

1. Re leboha bophelo ba  ba mme. 

2. Re leboha bophelo ba  ba ntate. 


3. Re leboha dijo le  metsi.  

4. Re leboha lehae la rona.  

5. Re leboha lerato la hao.  



Ngola mantswe ka medumo ena:




Thuto ya 6

Areka ya Nowe



Nowe




areka




Genese 6:1-22

Modimo a laela Nowe hore a ahe areka.
A re a kenye diphoofolo kaofela ka arekeng.



katse



nku



tau




leeba



noha



tweba





tonki



podu



Thusa phoofolo ho fumana tulo ya yona:




nku						katse
leeba						tweba
tau		podu		noha		tonki



Ke diphoofolo dife tseo re di lebetseng?



Taka phoofolo e le nngwe eo o e ratang:



Thuto ya 7

Morwallo



 Pula ya na.

 Matsatsi a mashome a mane.

 Masiu a mashome a mane.




Genese 7:10-17


Mmesa						
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					



30



Motsheanong						
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				




+

10



Thuto ya 8

Pula ya emisa ho na



dinoka



ya emisa




Genese 7:24

Metsi a tlala dinoka le mebila.


Pula ya emisa.

Diphoofolo tsa tswa ka arekeng.



Thuto ya 9

Mosebetsi wa ho bala



leshome




jwang



Ithute ho bala:


1. Nku e le nngwe




2. Maeba a mabedi




3. Ditonki tse tharo



4. Dikonyana tse nne



5. Dikatse tse hlano





Kopitsa ditshwantsho tsa diphoofolo le palo ya tsona:

1.



2.



3.



4.



5.



Thuto ya 10

Moshe o tholwa ka metsing



Sethoto se
nang le lesea



Morena
Faro



Eksoda 2:1-10

 <p>Morena Faro</p>	 <p>Moradi wa Faro</p>	 <p>Noka</p>	 <p>Sethoto se nang le lesea</p>
 <p>Lelea la moshanyana</p>	 <p>Lehlaka</p>	 <p>Kgaitsemi ya hae</p>	 <p>Mme wa Moshe</p>
 <p>A ba le botho</p>	 <p>A mo rata</p>	 <p>A mo reha lebitso la Moshe</p>	 <p>A batla motho ya tla mo hlokomela</p>



Ngola mantswe ka medumo ena:

Handwriting practice lines for the words 'MOSHE'. The first row shows the letters 'M' and 'S' with red arrows indicating stroke direction. The second row shows the letters 'O' and 'H' with red arrows indicating stroke direction. The third row shows the letters 'E' and 'E' with red arrows indicating stroke direction.



Batla lebitso Moshe o le kenye mmala:

A large rectangular area containing a jigsaw puzzle of the name 'MOSHE'. The letters are scattered and partially obscured by thick black lines, representing a search or coloring activity.

Thuto ya II

Moshe o etella setjhaba sa hae



Moshe



Eksoda 3:1-10



Moshe a ntsha Baiseraele Egepeta.



Batho ba hae e ne e le makgoba a Modimo



a bula tsela hara lewatle le lefubedu a ba
pholosa.



Ba tshela lewatle mme ba thaba haholo.



Taka sefahleho:

Se hlonameng

Se thabileng






 Sheba dintho tse fapaneng ditshwantshong tse na tse pedi o di etsetse sedikadikwe:



Thuto ya 12

Melao e leshome




Eksoda 20:1-17

 Moshe a nyoloha  thaba.

 Modimo a mo neha  melao e leshome. 

Ithute melao kaofela: 1 2 3 4 5 6 7 8 9 10

1. Ke nna  Modimo wa hao, o se ke wa ba le medimo e meng ntle le nna.

2. O se ke wa iketsetsa setshwantsho se betlilweng  leha e le sefe.

3. O se ke wa bapala ka lebitso la ka, o le hlomphe.  Modimo

4. Hopola letsatsi la phomolo, ho le kgetha. 

5. Hlonepha ntatao le mmao.  

6. O se ke wa bolaya. 

7. Tshepahala ho mosadi le ho monna wa hao.  


8. O se ke wa utswa. 

9. O se ke wa etselletsa wa heno ka leshano. 

10. O se ke wa lakatsa ntho leha e le nngwe
ya moahisane wa hao. 



Thereisa melao e leshome o qale ho wa 1 ho ya ho wa 10:



Thuto ya 13

Davida wa modisa



Davida



terompeta



I Samuele 17:34-36



Davida o ne a disa dinku tsa ntatae.



O ne a di tshireletsa ditaung le dibereng.





O ne a rata ho bapala terompeta.



O ne a rata ho rapela hape a rorisa Morena.



Thusa Davida a fumane dinku tsa ntatae:





Ithute thapelo ena:


 Jehova ke modisa wa ka.


 Ha ke le mong o tsamaya le nna.


 Ke tla mo rata kamehla bophelong ba ka.



Thereisa kapa taka matsoho a rapelang:



Thuto ya 14

Davida o Iwana le monna wa senatla



I Samuele 17:31-51

Goliathe e ne e le sehanyata sa monna se tshajwang. 

Mmele wa hae o ne o le moholo, a le matla. 

O ne a batla ho bolaya batho ba Modimo. 


O ne a tshwere sabole, lerumo le thebe. 

Batho ba ne ba mo tshaba haholo. 

Davida yena o ne a sa mo tshabe, a le sebeti. 

A mmolaya ka letjeketjane le majwe a mahlano. 

Davida ya e ba mohale ya tummeng. 





Sheba mantswe ana bolokong bo ka tlase:

davida

sehanyata

modisa

rapela

dinku

mohale

s	d	a	v	i	d	a	t	s	m
h	r	m	o	d	i	s	a	e	y
r	a	a	u	q	k	m	a	h	t
t	p	s	p	h	h	o	n	a	p
u	e	k	e	l	j	h	a	n	l
a	l	n	r	t	t	a	n	y	e
y	a	o	w	d	l	l	y	a	r
d	i	n	k	u	i	e	a	t	e
f	o	p	i	b	r	o	t	a	n
m	p	l	o	j	s	m	a	s	d

Thuto ya 15

Daniele le ditau



Daniele



lemeneng



Daniele 6:1-28



Daniele o ne a dula naheng e hole.

O ne a ~~sa dumellwa~~ ho rapela Modimo o phelang.

Batho ba kgohlahetseng ba bolella morena hore Daniele o sebeletsa Modimo wa hae.

Daniele a akgelwa lemeneng la ditau.

Morena a utlwa bohloko haholo.

Daniele e ne e le motho ya lokileng haholo.

Ditau tsa se ke tsa mo ntsha kotsi, Modimo a mo pholosa.

Morena a thaba haholo ha a bona hore ditau ha di a ntsha Daniele kotsi.



Kopitsa mantswe ana:

Daniele



Modimo



Morena



Ditau




Rapela




Lemeheng



Pholosa



Sebeleletsa



Thuto ya 16

Tswalo ya Jesu



setaleng



leseae



Mattheu 1:18-25



Etsa sedikadikwe:

ho Maria

ho Josefa

ho leseae Jesu

poding

nkung

naleding



Thuto ya 17

Ba bohlaile le dimpho





ba bohlaile



naledi



Mattheu 2:1-12

 Ba bohlaile ba bona  naledi e kgolo 
sepakapakeng.


“O hokae ya tswetsweng re nto mo  kgumamela?” Ba botsa morena Heroda.

 Ba bohlaile ba latela  naledi ba ya kena
setaleng. 

Ba fumana Jesu ba mo  naha dimpho, ba mo  
kgumamela. 




Ngola mantswe ka modumo:




Thuto ya 18

Ditshwantsho tša tswalo ya Jesu



o kgumamela



lengelo



Luka 2:1-20




Ithute mantswe a ka tšasa ditshwantsho le metswalle ya hao:

 <p>badisa</p>	 <p>ba bohlale</p>	 <p>dimphe</p>	 <p>Maria Mma Jesu</p>
 <p>Josefa ntata Jesu</p>	 <p>dinaledi</p>	 <p>dinku</p>	 <p>tonki</p>
 <p>konyana</p>	 <p>katse</p>	 <p>tweba</p>	 <p>leeba</p>

Thuto ya 19

Heroda o batla ho bolaya leseae Jesu



Heroda



ho bolaya



Mattheu 2:13-23

Morena Heroda a halefa haholo.


A batla ho bolaya Jesu.

A bua leshano a re le yena o batla ho mo kgumamela.

Josefa le Maria ba nka leseae ba ya Egepeta.



Thusa o nke leseae Jesu o mo ise Egepeta:



Thuto ya 20

Jesu o etsa mosebetsi wa Modimo



Jesu



Luka 2:41-52

   hore Modimo o lokile.

  o rata batho kaofela.

 ba kulang.

  ho etsa ketso tse lokileng. ✓

A ba ruta le hore ba ratane mme ba
tshwarelane.

 o rata batho kaofela e moholo le e
monyenyanane.




Kopitsa polelo ena: **Jesu o a nthata**




Tekolo




Qetella mantswe ana:



letsa.....



kgw.....



din.....




jwa.....




pal.....




sef.....




motsheare le
bo.....



ba.....




sepaka.....




lewa.....



lefats.....




dinony.....



Jesu o re ruta ho rapela

 **Luka 11:2-4**

 Ntata rona ya mahodimong, re leboha 
lebitso la hao le halalelang. 

Re a o leboha ka ho re fa bohobe ka 
matsatsi ohle.

O re tshwarele dibe tsa rona.  

Re thuse ho tshwarela ba re sitetsweng.   

Re rute ho etsa ketso tse lokileng.   Amen.

 Ithute mantswe a siilweng:

Wena o Nt..... rona.

Rona re b..... ba hao.

O re r..... kaofela.

Le rona re a o r.....

Jesu o tloha lefatsheng



a bolawa



lehodimong



Mareka 16:19-20

 Jesu a fanyehwa sefapanong a bolawa.  

 Batho ba ne ba sa kgolwe hore ke mora 

 Modimo.

 Metswalle ya hae ya utlwa bohloko haholo. 

A tsoha  bafung kamora matsatsi a mararo. 

 Metswalle ya hae ya thaba haholo. 

A ya lehodimong ka leru. 

 Moya wa hae o dipelong tsa rona. 

O re ruta ho rata Modimo le batho ba bang.  

 Metswalle ya hae e phetela lefatsheng ka 


 Jesu le lerato la hae. 



Kopitsa polelo ena: **Jesu ya dulang lehodimong o a re rata**



Taka setshwantsho sa sefapano:





sefela



Moya



Binang pina ena jwaloka sefela sa Ha le Mpotsa
Tshepo ya ka

Bulang dipelo tsa lona

Le thabe le bohle



Le fumane tsebo e ntle

Monyakeng wa Ntate



Rona re na le dibuka

Tse tla re etella



Jwale re baleng tsona

Re itlhokomele. Amen





Buka ena e fa bana ba banyenyane kapa ba qalang ho ithuta le batho ba dilemong dife kapa dife monyetla wa ho ithuta ka moruo wa dipale tsa Bibe le hong le batshwantshisi ba yona ba itlhommeng pele. E thehilwe hodima ho Bala le Mesebetsi e kenyelletsang bohlae ba baithuti dithutong tsohle. Ho ruta ho bobebe ka tshebediso ya ditshwantsho, difoleshekarete le tataiso ya titjhere tse kenyelleditsweng bukeng ena.

Sebedisa difoleshekarete

ho ruta:



Bala ka batshwantshisi ba hao
bao o ba ratang Bibeleng:



Ho ngola ka Tataiso le
ka mesebetsi e meng
ho thusa hore ho ithuta
ho be bobebe mme ho
natefise.



Distributed by the Bible Society of South Africa
www.biblesociety.co.za

United Bible Societies is an NGO partner with UNESCO.

